

Die Brüder Ortlieb, Bischof von Chur, Rudolf, Churer Domdekan, Wolfhart, Sigmund und Ulrich von Brandis stellen dem Rudolf von Hohenems als Mitgülden gegenüber Georg von Werdenberg-Sargans für eine Schuld von 4000 Gulden einen Schadlosbrief aus.

Or. (A), Vorarlberger LandesA Bregenz, 8146. – Pg. 26,5/25,7 (Plica 2,7) cm. – Siegel von Wolfhart VI., Sigmund I. und Ulrich v. Brandis abh., Siegelbeschreibung und Abb. bei Liesching/Vogt, Siegel, Nr. 9 (Wolfhart VI.) und Nr. 11 (Sigmund I.) S. 69f. – Rückvermerk (15. Jh.): Rüdolff von Emps schadlosbrief von bischoff Ortlieb von Chur. 1466; (modern): 5. Mai. Regest: Krüger, 976; Zösmair, Urkundenauszüge (1882) Nr. 253, S. 66.

l¹ Wir^{a)} Orttlieb¹ von gottes gnaden bischoue^{b)} zu Chur, Rüdolff von Brann² techan daselbs, Wolfhart, l² Sigmund vnd V³lrich von Brann³ diss fry herren vnd gebrüdere bekennen offentlich mit dem brief l³ vnd t^un kund allermengklich. Als sich der edel vnd vesst Rüdolff von Emptz⁴ für sich vnd sine erben ge- l⁴ gen dem wolgebornen graf Jörgen graue zu Werdemberg zu Sangans⁵, vnserm lieben oheim vnd sinen l⁵ erben, von vnser aller vlyssigen pett wegen als ain mittgült mit sambt andern vmb vier tusedt Rinischer l⁶ guldin vff zway zile, nemlich vff den vierden tag jm mertzen nächstkoment zway tusedt guldin l⁷ bar oder jne die an den von Brugg⁶ abzunemen vnd dannachin vber ain jar aber zway tusedt guldin l⁸ ouch vff den vierden tag jm mertzen, glicherwyse wie vorstat, zu betzalen oder abzunemen nach lutt l⁹ vnd sag der richtungsbrief verschriben vnd versigt hat, also bekennen wir obgemeltermass für vns l¹⁰ vnd all vnser erben vnd nachkomen, ob beschäcke, das der egenant Rüdolff von Emptz oder sine l¹¹ erben söllicher mitgülschafft vnd verschrybung in ainichen weg zu schaden kämen oder des scha- l¹² den nämen von laistung zerung sumsäle briefen oder bottenlon, von gerichtten, gaistlichen oder welt- l¹³ lichen, oder anderm schaden, wie der genant wäre, vngeuarlich dhainer vssgenommen. Denselben scha- l¹⁴ den allen sullen vnd wollen wir jne vssrichten vnd abtragen ane allen jrn costen by vnsern güten trü- l¹⁵ wen wurden vnd eren ane all jntrag vnd fürwort vnd gantzlich ane allen jrn schaden. Denn wa l¹⁶ wir das nit tätten vff maynung wie obstatt, so hat der bemelt Rüdolff von Emptz, alle sin erben oder l¹⁷ wer jne des beholffen sin wil, vollen gewalt vnd gü^t recht, vns vnd all vnser erben vnd nachkomen ge- l¹⁸ mainlich vnd vnuerschaidenlich oder vnder vns ainen oder mer allain vnd besunder, welhen oder l¹⁹ welhe sy vnder vns vnd vnsern erben vnd nachkomen wöllen, darumb an allen vnsern lüten vnd l²⁰ güten, ligenden vnd varenden, antzugryffen, zu höfften zu nöffen vnd zu pfenden vnd die zu uersetzen l²¹ vnd zu uerkkauffen, rechtz kouffs oder vff der ganntt oder vns süst fürzunemen mit gerichtten, gaist- l²² lichen oder weltlichen, als lang vntz sy alles schadens, den sy dieser mittgülschafft gelitten oder em- l²³ pfangen hetten, gantz vssgericht vnd betzalt sind ane allen jrn schaden, dauor vns noch vnser erben l²⁴ vnd nachkomen noch dehain vnser lüt noch gü^t, ligentz noch varentz, nicht sol beschirmen noch be- l²⁵ friden, kainerlay fryhait fryung frybrief frid gelaitt der herren noch stett noch ichtzit, das zu l²⁶ schirm hiewider yemant erdencken kan oder mag, denn wir vns des alles wissentlich

vnd willenklich l²⁷ entzigen vnd begeben haben in krafft des briefs, alles getrülich vnd vngeuarlich. Vnd des zu warem l²⁸ vesstem vrkund haben wir obgenanten Wolffhart, Sigmund vnd Vlrich fryherren von Brann diss ge- l²⁹ brüdere vnser aigne jnsigl für vns selbs vnd den hochwirdigen fürsten vnd herren, hern Orttlieben l³⁰ bischoue zu Chur vnd hern Rüdolffen von Brandiss techan daselbs, für die wir vns hierjnn gantz l³¹ annemen vnd mächtigen, vnd für all vnser vnd jr erben offennlich gehenckt an den brief. Der geben l³² ist mentag nach sand Philipps vnd sand Jacobs tag appostolorum nach Cristi geburt viertzechenhundert l³³ vnd in dem sechs vnd sechzigisten jare.

a) *Initiale W* 3/2,7 cm. – b) *Initiale B* 1 cm.

¹ *Ortlieb v. Brandis, 1458-1491. –* ² *Rudolf v. Brandis, 1459-1467 Churer Domdekan, †1469/72. –*
³ *Wolffhart VI. (1426-†1477), Sigmund I. (1444-1492) und Ulrich (1452-†1486) v. Brandis. –* ⁴ *Rudolf v. Hohenems (Vorarlberg), 1451-†1503. –* ⁵ *Georg v. Werdenberg-Sargans, ca.*1425-†1504. –* ⁶ *Brugg, Stadt u. Bez. AG.*